



Bou ons kinders vir môre

Sondagskool 3

Lestitel: Die gelykenis van die mosterdsaad

'n Ouerhandleiding

Sondagskooltuisonderrig



Liewe Ouer

Welkom by die les “**Die gelykenis van die mosterdsaad**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die gelykenis van die mosterdsaad
Bybelwoord	Mattheus 13 : 31 – 32
Lesdoelwit	Die kinders leer dat die belofte van die Here groot is. As ons sy woord bewaar en daarvolgens optree, sal ons waardig gevind word om die Koninkryk van die Hemele in te gaan.

Lesopsomming:

Onthou ons vriend Manuel. Hy woon in 'n warm land waar die sappigste lemoene gekweek word. Op 'n dag, terwyl hy 'n lemoen eet, byt hy op iets hard. Dit is 'n pit! Hy spoeg dit uit en wonder waarom daar dinge soos pitte is.

Sy pa sê: Miskien sal ons eendag 'n lemoenboom hier laat groei. Manuel is verbaas. Wat kan sy pa bedoel?

Sy pa verduidelik dat pitte die sade van die lemoen is. En dat die groot lemoenbome uit die klein pit groei.

Manuel en sy pa besluit om die pitte te neem en dit te plant. Met sorg en liefde sal die pitte groei tot groot en pragtige bome.

Manuel is steeds verbaas dat iets wat so klein is, iets so groot kan word.

Manuel se pa sê dat die Here alles so wonderlik geskep het. Hy vertel vir Manuel van 'n tyd toe Jesus die gelykenis van die mosterdsaad vertel het.

" 'n Mosterdsaad?" vra Manuel. Al wat hy ken is mosterd wat uit 'n bottel kom. Manuel se pa verduidelik dat daar 'n spesiale mosterdsaadjie is wat die swart mosterd genoem word. Dit is 'n klein saadjie soos 'n stofdeeltjie, maar dit groei tot die grootste boom, 3 meter hoog. Dit is drie keer so groot soos Manuel! SJOE.

Manuel se pa verduidelik dat Jesus hierdie verhaal gebruik het om te wys dat God enigiets kan doen - selfs 'n groot boom laat groei uit 'n klein saadjie. God se Seun het na die aarde gekom - Hy was net een man.

Maar sy woorde het van God gekom en God het toegelaat dat daar iets wonderliks uit sy woorde ontwikkel. God praat selfs vandag nog met ons. Hy wil hê dat ons na sy woorde luister, want alhoewel sy woorde eenvoudig en klein voorkom, lei dit tot iets wonderlik – dit berei ons voor vir die Koninkryk van die Hemele.



Wat beteken hierdie les vandag vir ons?

Wat wil die les vir ons leer?

- Ons moet ons harte voorberei vir die goeie wat God aan ons wil gee.
- God kan selfs die kleinste sade in die hoogste bome laat groei.
- God wil hê dat ons sy woord neem en dit in ons hart laat groei sodat ons waardig kan wees vir sy koninkryk.
- Ons het die woord van God in die godsdienst gehoor. Alhoewel dit soos iets klein en eenvoudig voorkom, kan hierdie woorde met goddelike krag groei en ons waardig maak om by God te wees.

Sommige vrae wat ons kan vra:

- *Kan die kinders 'n paar klein sade noem wat groot plante word?*

Antwoord: Gebruik voorbeelde uit die tuin of van die vrugte rondom die huis.

Wys die bome vir die kinders - verduidelik dat vrugte uit die sade kom. 'n Boom sal dan meer vrugte dra sodat meer sade gevorm kan word. Die voëls kan nou die bome gebruik vir beskutting en beskerming. Is God se mag nie wonderlik nie!

- *Wat leer die gelykenis ons?*

Antwoord: Die Heilige Gees wys ons wat belangrik is. Ons kry hierdie lesse deur die woord van God. Ons hoor hierdie woorde in godsdienste. Terwyl hulle klein en onbeduidend voorkom, dra hulle groot mag. Die woorde help om ons te leer sodat ons waardig kan word om in God se koninkryk te wees. God wil hê dat hierdie woorde moet groei soos die saadjies doen.



'n Gebed vir Pappa en Mamma om voor die les te bid:

Liewe God, baie dankie vir hierdie dag
Seën alle ouers en kinders
Mag ons u teenwoordigheid aanvoel
Seën die les wat ons gaan hê
Leer ons hoe om U te dien
En help ons om u wil te doen
Sodat ons nader aan U kan groei
Stuur Jesus om ons te kom haal
En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.
Laat ons almal lekker slaap en gee môre weer 'n pragtige dag.
Help my asseblief op skool en dat ek goed met my vriende oor die weg sal kom en nie met hulle sal baklei nie.
Wees altyd met mamma en pappa.
Seën ons stamapostel, apostels en al ons diensknegte en beskerm hulle op hul reise.
Help al u kinders, veral die siekes. Kom gou en neem ons almal huis toe. In Jesusnaam. Amen.